



## **C.- SISTEMA DE SELECCIÓN E CLASIFICACIÓN**

### **C.1 CLASES OLÍMPICAS**

#### **SISTEMA CLASIFICACIÓN**

O Equipo Preolímpico Galego estará formado polos deportistas seleccionados polo Equipo Técnico da RFGV e que cumplan os seguintes criterios:

- a) Cumprir cos criterios establecidos nos programas de tecnificación e de alto rendemento no proxecto deportivo para o CGV da Secretaría Xeral para o Deporte.
- b) Ter navegadas varias tempadas en clases infantís e xuvenís preolímpicas, sendo parte das Seleccións Galegas das mesmas (clasificándose entre os primeiros postos do Circuito Clasificadorio autonómico).
- c) Ter formado parte do equipo nacional e competido nalgún campionato internacional coa RFEV, de clases infantís y/o xuvenís preolímpicas.
- d) Estar entre os primeiros postos en categoría absoluta de clases nacionais nos Campionatos e Copas de España, así como obter algún posto de finalista (12 primeiros clasificados) en competicións internacionais.
- e) Ser seleccionado a criterio técnico polo Equipo Técnico de la da RFGV, atendendo a súa traxectoria, calidade e posibilidade de integración nalgunha tripulación.

#### **CONDICIÓN A SEGUIR .**

Os deportistas deberán:

- a) Adestrarse un mínimo de 12 días o mes na base de adestramentos que será o Centro Galego de Vela.
- b) Presentar e cumprir o programa anual de adestramento, concertado co Equipo Técnico. Este programa deberá cubrir os seguintes aspectos:
  - Planing adestramentos e competicións.
  - Establecemento de obxectivos.
  - Planing programación física e nutricional.



- c) Cumprimento e revisión mensual do anterior programa.
- d) Asistencia obrigatoria ás convocatorias de nivel autonómico, nacional ou internacional. Estas convocatorias contabilizarán no cómputo xeral do apartado a).
- e) Asistencia obrigatoria ás competicións clasificatorias para o Equipo Preolímpico Español, no caso de ser seleccionado polo Equipo Técnico.
- f) Cumprimento do contrato de cesión ou de uso compartido do material, no caso de ter material cedido pola RFGV.
- g) Cumprimento do código ético da RFGV (punto C.2.3)

***No caso de incumprimento destes puntos, o Equipo Técnico da RFGV poderá excluír ós deportistas do Equipo Preolímpico Galego.***

## **C.2 CLASES NON OLÍMPICAS**

### **SELECCIÓNS GALEGAS DE VELA (SGV)**

Os equipos das Seleccións Galegas, en representación da RFGV, para participar nos Campionatos de España, regatas nacionais ou internacionais estarán formados por un número de tripulacións que para cada unha das clases se indican máis abaixo.

Para que se forme a SGV nunha clase e/ou categoría, e os regatistas opten as axudas establecidas pola RFGV, a clase debe cumprir o seguinte requisito:

- Mínimo de 10 barcos participantes no 80% das probas do Sistema Clasificadorio Galego.

Para formar a SGV en clases absolutas e con Circuito Clasificadorio anual, sempre se collerán como mínimo as 3 regatas clasificatorias previas a convocatoria.

#### **C.2.1 SISTEMA CLASIFICATORIO**

Os compoñentes da SGV de cada clase obtéñense da puntuación total obtida no Circuito de Clasificación.



O sistema estará baseado nos seguintes puntos:

- a) As probas que compoñen o Circuito de Clasificación serán o Campionato Galego e as probas Clasificadorias de cada Clase que figuren no Calendario Oficial da RFGV. Terán de ser un mínimo de tres e recoméndase catro.
- b) Sempre terá que haber unha clasificación do Circuito Clasificadorio Galego.
- c) De cada regata de clasificación sairán dúas puntuacións: puntuación por probas e puntuación por clasificación.
- d) En cada proba dunha regata de clasificación recibirán puntuación soamente o primeiro 50% dos patróns do total que houberan confirmado a inscrición. No caso de división non exacta tomarase o número enteiro mais preto. No caso de 0,5 aproximarase o enteiro superior.  
Esta puntuación se asignará da seguinte maneira: o último clasificado dentro de ese 50% de cada manga recibirá 1 punto, o penúltimo recibirá 2 puntos, e así ata o primeiro clasificado da proba, que recibirá a puntuación máxima correspondente o número de barcos dentro de ese 50%.
- e) Cando a regata teña 55 ou máis regatistas que confirmaran a inscrición, puntuarán sempre os 35 primeiros.  
Exemplo 1:  
Nunha regata con 20 barcos inscritos e confirmados, o 50% serían 10. En cada proba, o 10º clasificado recibirá 1 punto, o 9º clasificado 2 puntos e así ata o 1º que recibirá 10 puntos.  
Exemplo 2: Caso Optimist  
Nunha regata que teña 60, 70 ou 80 barcos inscritos e confirmados, puntuarán sempre os 35 primeiros de cada proba, conseguindo 1 punto o 35 e 35 puntos o primeiro.
- f) O rematar cada regata clasificatoria e coa clasificación final oficial, se asignarán os puntos de clasificación, tendo o último clasificado 1 punto, o penúltimo 2 puntos e así ata o primeiro clasificado que conseguirá un número de puntos igual o número de inscritos confirmados na regata.
- g) Despois de cada regata se sumarán os puntos de probas e os puntos de clasificación, obtendo a puntuación total dun barco para o Circuito Clasificadorio nesa regata.



- h) A suma dos puntos totais de cada regata de clasificación será a puntuación dunha embarcación no Circuito Clasificatorio.
- i) Na clase Optimist teremos dous Circuitos clasificatorios: Amarelo e Azul. O Circuito clasificatorio xeral será a unión dos dous Circuitos sendo o primeiro do azul o seguinte do último do amarelo.
- j) Na clase optimist, cando se produza un ascenso do grupo azul o grupo amarelo, a puntuación dos ascendidos será 0 puntos.
- k) Si se confirma a inscrición xa pasa a formar parte do Circuito Clasificatorio Galego.
- l) No caso de non asistir a unha regata, o regatista non sumará ningún punto de esa regata.
- m) En caso de empate no Circuito Clasificatorio, se utilizará o sistema do RRV para aplicar o desempate.
- n) Cando nunha regata de clasificación participen embarcacións de outras comunidades ou países, estas non aparecerán no Circuito Clasificatorio galego, pero si contarán as súas puntuacións.
- o) RDG: O comité técnico da Federación poderá dar un RDG (puntuación media outorgada de todas as probas realizadas ao longo do Circuito Clasificatorio realizado) ao interesado sempre e cando se cumpran os seguintes requisitos:
- Petición formal polo interesado anterior a proba a que se vai a faltar, motivada por:
    - Acudir a una proba de maior interese (europeo, mundial...) ou probas pertencentes ao sistema de clasificacións para equipos estatais.
    - Motivos de caso maior.
  - Esta puntuación media se aplicará da seguinte forma:
    - Media aritmética dos postos obtidos en todas as probas disputadas. Esta posición se redondeará o número enteiro máis preto, no caso de 0,5 o superior.



- Puntos de probas correspondentes a esa posición nas probas da regata non disputada.
- Puntos de clasificación correspondentes a posición que houbera acadado na clasificación xeneral cos postos obtidos da media.

p) Da clasificación do Circuito Clasificatorio sacarase os compoñentes da SGV, segundo as particularidades de cada Clase que se definen a continuación, coas vantaxes detalladas no punto C.2.2

### **C.2.1.1 Clase Optimist**

- a) Establécense 2 categorías no Circuito Clasificatorio Galego da Clase:
- Categoría sub13, Masculina e Feminina
  - Categoría sub16, Masculina e Feminina
- b) O calendario de regatas adecuarase de forma que a tempada competitiva sexa o máis extensa posible. As regatas do Circuito Clasificatorio galego (Clasificatorias, Campionato Galego e Copa Galicia) estarán separadas no calendario e distribuídas de maneira proporcional.  
A última regata clasificatoria da tempada será sempre previa a última proba da tempada nacional.
- c) O Circuito Clasificatorio realizarase durante o curso escolar, sendo a primeira regata clasificatoria a finais de agosto de cada ano e rematando antes da última proba nacional do ano seguinte.
- d) Coa última regata do Circuito Clasificatorio disputada, se forma a Selección Galega de Optimist

#### **C.2.1.1.1 Selección Galega**

Serán os representantes da RFGV na Copa e no Campionato de España. Estará formada por:

- a. Se cumprirán os requisitos especificados pola RFEV para a participación nos campionatos e copas nacionais (% de regatistas sub13 e % de regatistas femininas dentro do



equipo. Postos complementarios, se unha regatista femia é sub13 ocupará ambas prazas).

- b. 15% de prazas de criterio técnico segundo as prazas concedidas pola RFEV. Se o número resultante é decimal, aproximarase ao número enteiro mais preto, se é 5, aproximarase ao enteiro superior.
- c. Unha vez cumpridos cos requisitos da RFEV e as prazas de criterio técnico, o resto das prazas concedidas pola RFEV se asignaran po la puntuación no Circuito Clasificadorio.

\*Os regatistas de último ano que non queden mellor do 50% da clasificación xeral da primeira regata nacional, serán reemprazados na Selección Galega por outros a criterio técnico.

#### C.2.1.1.2

Dentro da Selección Galega de Optimist, distinguiranse os grupo seguintes:

##### **a) Equipo Galego de Tecnificación:**

Formado por:

- 3 primeiros regatistas do Circuito Clasificadorio
- 2 primeiras regatistas femias
- 2 primeiros regatistas sub13
- 1 praza a criterio técnico

##### Notas:

- ✓ Se dentro dos 3 primeiros do Circuito Clasificadorio existe 1 regatista femia, a praza pasará o seguinte clasificado do Circuito Clasificadorio e así sucesivamente.
- ✓ Postos complementarios, se unha regatista femia é sub13 ocupará ambas prazas, entón se correrá una praza mais no Circuito Clasificadorio.

Este Equipo Galego de Tecnificación de Optimist, que se formará co Circuito Clasificadorio actualizado despois de cada regata puntuable, estará convocado pola RFGV para cumprir co programa de tecnificación establecido para a tempada, coas actividades planificadas.



Por motivos estratéxicos e deportivos, este Equipo Galego de Tecnificación poderá verse aumentado ou diminuído a criterio técnico.

A formación da Selección Galega e do Equipo de Tecnificación se realizará co Circuito Clasificatorio oficial resultante das regatas previas as convocatorias.

**b) Equipo AGCIO**, formado por:

- Resto dos integrantes da Selección Galega de Optimist.

### **C.2.1.2 Clase 420**

- Circuito Clasificatorio de tempada autonómica, coa primeira regata en agosto e rematando antes da última proba nacional, con tempo suficiente para formar a Selección Galega.
- O calendario de regatas adecuarase de forma que a tempada competitiva sexa o máis extensa posible. As regatas do Circuito galego (Clasificatorias e Campionato Galego) estarán separadas no calendario e distribuídas de maneira proporcional.
- Formación da Selección Galega co Circuito Clasificatorio oficial resultante das regatas previas as convocatorias.
- As categorías establecidas serán:
  - sub19 masculino e feminino
  - sub17 masculino e feminino
- Coa última regata do Circuito Clasificatorio, se formará a Selección Galega, que acudirá a competir no Circuito Clasificatorio nacional.
- Selección Galega:
  - 1 clasificado masculino sub19
  - 1 clasificada feminina sub19
  - 1 a criterio técnico
  - As prazas a criterio técnico poden verse incrementadas en función dos medios da RFGV e das condicións dos regatistas.



### **C.2.1.3 Láser**

- Circuito Clasificatorio de tempada autonómica, coa primeira regata en agosto e rematando antes da última proba nacional, con tempo suficiente para formar a Selección Galega.
- O calendario de regatas adecuarase de forma que a tempada competitiva sexa o máis extensa posible. As regatas do Circuito galego (Clasificatorias e Campionato Galego) estarán separadas no calendario e distribuídas de maneira proporcional.
- As categorías establecidas serán:
  - Láser 4.7:
    - sub16
    - sub18
  - Láser Radial:
    - sub21
    - absoluto
  - Láser Standard:
    - absoluto
- Coa última regata do Circuito Clasificatorio, se formará a Selección Galega, que acudirá a competir no Circuito Clasificatorio nacional.
- Selección Galega:

#### **Láser 4.7**

- 2 primeiros clasificados do Circuito Clasificatorio.
- 2 primeiras clasificadas femias.
- 1 praza a criterio técnico.
- A praza a criterio técnico pode verse incrementada ou diminuída en función dos medios da RFGV e das condicións dos regatistas.





### **Láser Radial sub21**

- 1º clasificado do Circuito clasificatorio.
- 1º clasificado sub19. Se o anterior e sub19, acudirá o 2º sub19.
- 1 clasificada femia.
- 1 praza a criterio técnico.
- Se hai unha regatista feminina entre os 2 primeiros do Circuito Clasificatorio, a praza pasará directamente o seguinte regatista do Circuito Clasificatorio.
- A praza a criterio técnico pode verse incrementada ou diminuída en función dos medios da RFGV e das condicións dos regatistas.

### **Láser Radial Absoluto**

-2 primeiros clasificados do Circuito Clasificatorio

Esta SGV se formará si se cumpren os mínimos para a SGV sen contar os regatistas sub21.

### **Láser Standard**

- 2 primeiros clasificados do Circuito Clasificatorio

#### **C.2.1.4 Windsurf**

- Circuito Clasificatorio de ano natural.
- Formación da Selección Galega co Circuito Clasificatorio oficial resultante das regatas previas as convocatorias.
- O calendario de regatas adecuarase de forma que a tempada competitiva sexa o máis extensa posible. As regatas do Circuito galego (Clasificatorias e Campionato Galego) estarán separadas no calendario e distribuídas de maneira proporcional.
- Establécense as seguintes clases dentro do Windsurf:
  - Techno 293
    - Categoría sub15 e sub17, masculino e feminina
  - RS:X sub 19
  - Formula Windsurfing
  - Raceboard
  - Fórmula Foil\*



### \*NOTAS:

- Pola presente selección de World Sailing do iQFoil como clase de windsurf olímpica para París 2024, a partir do ano 2020 establécese en Galicia a Fórmula Foil como clase estratéxica.
- As regatas clasificatorias serán compartidas coas regatas clasificatorias de todas as clases de windsurf.
- Se celebrará un Campionato Galego de Fórmula Foil exclusivo, en datas distintas o resto de Campionatos Galegos de windsurf.
- Se utilizarán as regras de clase de Fórmula Windsurfing coas seguintes limitacións:
  - Tamaño máximo de vela para homes absolutos: 9,5 m<sup>2</sup>
  - Tamaño máximo de vela para mulleres absolutas: 8,5 m<sup>2</sup>
  - Tamaño máximo de vela para junior sub19: 8 m<sup>2</sup>
- Se establecen as seguintes categorías, masculino e feminino:
  - Absoluto (modalidade e regras clases olímpicas)
  - Junior sub21
  - Xuvenil sub19
  
- Selección Galega:

### **Techno 293**

- 1 clasificado masculino Techno sub15
- 1 clasificada feminina Techno sub15
- 1 clasificado masculino Techno sub17
- 1 clasificada feminina Techno sub17
- 2 prazas a criterio técnico \*

### **Fórmula Foil**

- 1 clasificado masculino sub21
- 1 clasificada feminina sub21
- 1 praza a criterio técnico\*

(\*)As prazas a criterio técnico poden verse incrementadas diminuídas en función dos medios da RFGV e das condicións dos regatistas.



## **Fórmula Windsurfing (aleta e foil)**

- 1º clasificado con aleta\*
- 1º clasificado absoluto con foil\*  
(Non preparación olímpica)

## **Raceboard**

- 1 clasificado Raceboard\*

\*Sempre que se cumpran os criterios para que se forme a SGV

### **C.2.1.5 Clases Snipe/ Vaurien**

- Circuito Clasificatorio de ano natural-
- Formación da Selección Galega co Circuito Clasificatorio oficial resultante das regatas previas as competicións nacionais.
- No caso de ter unha proba nacional cercana o inicio de ano, se collerán como mínimo as 3 regatas previas a esta proba, para a formación de esta Selección Galega.

#### **e) Selección Galega:**

##### **a. Snipe:**

- i. 4 primeiros clasificados.
- ii. Se houbera formada a categoría xuvenil ou feminina se reservaría unha praza para o primeiro de cada unha.

##### **b. Vaurien:**

- i. 1 clasificado masculino.
- ii. 1 clasificada feminina.
- iii. 2 primeiros clasificados xuvenís.
- iv. Se non houbera categorías feminina e xuvenil formadas, a SGV serán os 4 primeiros clasificados do Circuito Clasificatorio.



## C.2.2 AXUDAS SGV

Todas as axudas sempre irán suxeitas os presupostos aprobados da RFGV. Poderán verse aumentadas ou diminuídas en función dos mesmos.

Para poder optar as Axudas establecidas anteriormente, os integrantes das distintas Seleccións Galegas de Vela deberán inscribirse nas regatas con nome de "**RFGV-DEPORTE GALEGO**". Ademais, deben asegurarse de que este nome aparece co do seu barco na clasificación final da regata

Un cadro de axudas específico por clase e tipo de competición poderá ser publicado e aprobado pola RFGV, unha vez estean aprobados os presupostos e previstas as axudas.

Poderán ser de dous tipos

- **Non Económicas:**

As seguintes clases terán dereito a adestrador, adestramentos, pago das inscricións, desprazamento e concentracións do equipo:

- c. Optimist
- d. Láser 4.7 e Radial Sub 21
- e. 420
- f. Windsurf (Techno 293 e F.Foil sub 21)

**Os gastos dos regatistas que non cubra a Federación deberán ser pagados antes do prazo estipulado.**

- **Económicas:**

As subvencións para as SGV das clases:

- **Láser Radial absoluto**
- **Láser Standard**
- **Snipe**
- **Vaurien**
- **Fórmula Windsurfing, Foil e Raceboard**

quedaran distribuídas da seguinte maneira:



- Copas e Campionatos de España dentro da Comunidade, a RFGV farase cargo das inscricións.
- Copas e Campionatos nacionais fora da comunidade: Darase una subvención para cada tripulación da SGV. Esta subvención non excederá dos 300€/barco en clases dobres e 150€/barco en clases individuais, sempre que asistan a competición. No caso de que algunha embarcación clasificada non acuda a regata non se correrá praza.
- Campionatos do Mundo e Campionatos de Europa oficiais: Darase unha subvención polo importe da inscrición.
- Poderán solicitar adestramentos co equipo técnico da RFGV, a través do Secretario da clase.
- Tódalas tripulacións con dereito a subvención económica deberán presentar na Administración da RFGV no **prazo máximo de 15 días posterior á competición** a seguinte documentación:
  - Folla de liquidación **ORIXINAL** cuberta cos datos persoais dos regatistas, da regata, número de conta e **FIRMADA** polo interesado.
  - Facturas e xustificantes de pago **ORIXINAIS** dos gastos sen tachaduras, e dos comprobantes de pago.

### C.2.2.1 Optimist

Dentro das axudas da Selección Galega de Optimist para acudir a Copa e Campionato de España, distinguiranse dous grupos:

#### a) **Equipo Galego de Tecnificación**

- ✓ Organización da expedición
- ✓ Selección de adestradores
- ✓ Inscricións
- ✓ Gastos da expedición segundo presuposto para cada regata.

#### b) Resto dos integrantes da Selección Galega de Optimist:

- ✓ Organización da expedición
- ✓ Selección de adestradores
- ✓ Inscricións



### C.2.3 CÓDIGO ÉTICO

- As tripulacións e adestradores pertencentes as Seleccións Galegas convértense en representantes de Galicia e de todos os seus organismos oficiais implicados a todos os niveis. Esta representatividade leva consigo un comportamento acorde nos seus hábitos cos dun atleta de alta competición.
- Compañeirismo e apoio entre todos os membros da Selección Galega, deportistas e técnicos.
- Respecto ao técnico responsable dos adestramentos e das competicións, acatar as súas normas e as súas decisións.
- Hábitos atléticos:
  - o 8 horas de descanso mínimas (durmir) nos días de actividade programada.
  - o Ausencia de alcohol, tabaco e outras drogas.
  - o Non haberá comportamentos lesivos nin negativos sobre os compañeiros do equipo, os técnicos, as instalacións, material ou imaxe da RFGV.
  - o Uniformidade coas prendas proporcionadas ás tripulacións e adestradores pola RFGV, cando sexan solicitadas para asistir aos actos oficiais (Reparticións de premios e actos protocolarios que sinala a RFGV).

### C.2.4 PUNTOS EXCLUINTES PARA FORMAR PARTE DAS SELECCIONS GALEGAS

- a) Non acudir a unha convocatoria para un Campionato ou Copa de España.
- b) Non acudir, sen causa xustificada e acreditada de forza maior, a un adestramento ou unha competición coa Selección Galega da clase correspondente.
- c) Non realizar o 80% das regatas clasificatorias do Circuito Clasificador galego.
- d) A non asistencia ao Campionato Galego da súa clase.
- e) Incumprir o **Código Ético**.



## **C.2.5 CONDICIÓN S PARA PARTICIPAR EN CAMPIONATOS E COPAS DE ESPAÑA**

- Para poder participar nunha Copa ou Campionato de España, aínda que sexan abertos, será obrigatorio participar no Campionato Galego da clase correspondente.
- Para as clases Optimist, 420, Láser 4.7, Radial e Windsurf (Techno 293 e F. Foil) será obrigatorio participar no 80% das probas do Circuito Clasificadorio.
- Os regatistas integrantes no Equipo Preolímpico Galego, debido a súa actividade competitiva, terán a aprobación da RFGV para participar nas regatas nacionais de outras clases, sen cumprir este requisito.
- A RFGV poderá por causas excepcionais autorizar a participación a tripulacións que non cumpran os puntos anteriores, baixo solicitude.

## **C.2.6 DESPRAZAMENTOS**

- Faranse acordo a seguridade dos regatistas e o descanso do adestrador.
- No caso de haber algunha praza valeira, o equipo técnico da RFGV determinara se hai alguén a desprazar.
- A RFGV non se fai cargo do desprazamento ni da manutención dos regatistas a sede do adestramento.
- A RFGV non se fará cargo dos posibles desperfectos, danos ou perdas de material durante os desprazamentos.
- Para o desprazamento da Selección Galega e obrigatorio o seguinte:
  - o Pertencer a Selección Galega
  - o Ter Seguro da embarcación
  - o Presentar a plantilla de transporte da RFGV (1)
  - o No caso de ser menor de idade, autorización paterna na plantilla da RFGV (2).

(1) Documento autorización transporte embarcacións

(2) Autorización Menores

[En Web RFGV –Documentación](#)

[Blog do Centro Galego de Vela – Documentos](#)



## **C.2.7 ADESTRAMENTOS**

Os adestramentos da Federación Galega de Vela terán como base principal o Centro Galego de Vela, quedando por decisión técnica o cambio de base de adestramento.

Serán obrigatorios para os compoñentes das Seleccións Galegas.

### **C.2.7.1 REGULAMENTO ADESTRAMENTO CGV:**

- A duración e datas dos adestramentos será especificada na súa convocatoria.
- Domingo: Adestramento matinal para posterior recollida material e do CGV.
- Nos meses de Xullo e Agosto os adestramentos serán de Luns a Xoves.
- As embarcacións abandonarán o CGV co remate do adestramento, excepto expresa autorización do equipo técnico, sendo cada caso particular.
- Cederase aloxamento previa solicitude por escrito ao responsable da clase, con 2 semanas de antelación. Os gastos de aloxamento no centro serán subvencionados para os regatistas pertencentes a Selección Galega da súa clase.
- Os deportistas someteranse as normativas de uso do CGV.
- As Clases con deportistas menores de 18 anos estarán acompañadas de a lo menos un responsable, acordado ca clase, que deberá facerse cargo do grupo fora do horario de adestramentos. Para durmir deben estar acompañados dun responsable nocturno. Este responsable pode ser proporcionado pola RFGV e os regatistas ou a clase deben cubrir o seu custo.
- Poderán asistir os adestramentos da RFGV todos aqueles técnicos que estean interesados, sempre de forma gratuíta.
- Tódolos deportistas deberan facer un uso correcto das instalacións, respectando a normativa e os horarios do Centro Galego de Vela, e comportándose de acordo coas normas de boa educación, subliñando o respecto os compañeiros da Selección, Equipo Técnico e material do Centro Galego de Vela.





**O incumprimento deste último parágrafo poderá traer consigo medidas disciplinarias, incluíndo a exclusión temporal ou definitiva da Selección Galega de Vela.**

### **C.2.7.2 PRAZAS DE ADESTRAMENTOS**

Para os adestramentos, o equipo técnico da RFGV seleccionará mediante unha convocatoria oficial o número de regatistas que considere oportuno en función dos obxectivos deportivos do adestramento en cuestión. Esta convocatoria distribuirase a través dos Secretarios de Clase e dos Clubs dos regatistas.

### **C.3 SANCIONES**

**O incumprimento das normas deste Regulamento será sancionado segundo o Regulamento de Disciplina da RFGV polo seu Comité de Disciplina.**